

〔享祿本類聚三代格六〕太政官符

應准大宰府全給鎮守府公廩事

右得正三位行中納言兼陸奧出羽按察使平朝臣高棟解備鎮守府解備邊垂之吏去鄉遼遠公廩之外無復資糧而至有未納抑而不行今案去承和五年六月廿一日格備大宰府司公廩雖有未納以正稅全給者商量事由陸奧大宰東西雖殊邊戎警備勞苦是一望請准彼府例以被全給其代令當國徵填者右大臣宣奉勅依請

貞觀二年九月廿七日○又見三代實錄

太政官符

應○應下疑脫在前春送國司鎮官年糧事

右得陸奧國解備檢去大同五年五月十一日格此國元來國司鎮官等各以公廩作差令春米四千餘斛雇人運送以充年糧者因循是格承前國司當年收納之時豫留出舉稻令春公廩半分至時充用行來為例今商量事意在前春用官稻曾無所據若停而不春送遠鄉之吏無隣乞貸望請減省往年之數在前令春五分之一然則吏無飢餓之苦民少春運之煩謹請官裁者右大臣宣奉勅依請

貞觀十五年十二月廿日

〔三代實錄二十四〕貞觀十五年十二月廿三日甲寅正五位下行陸奧守安倍朝臣貞行起請三〇三恐

事○中其二事曰國中之政莫重收納然則分配之吏可勤其事而任用之官未必其人或被誘郡司稅

帳納藁為稻或見賂富饒會豪以虛為實須據格○格原脫今據一本補旨必科其罪而備○備恐衍偏貪俸料不畏有

罪望請為致虛納欠損國司之公廩先補所欠然後科責若欠物巨多公廩數少長官已下相共填納

〔三代實錄二十九〕貞觀十八年七月八日癸未山城丹波國司申請割國司公廩准一分給檢非違使但有調庸未進欠負未納之年准國司例勘補從之

國檢非違使公廩